

Expediente núm.: 1192/2025

BASES DA CONVOCATORIA PARA CONCESIÓN DE AXUDAS PARA DEPORTISTAS INDIVIDUAIS DO CONCELLO 2025.

O deporte é unha práctica de alto interese para os estados polos valores que promove e polo reporte có que contribúe a sociedade; non só reporta múltiples beneficios físicos e psicolóxicos propiciando a adopción de estilos de vida activos e saudables, senón tamén se converte nunha potente ferramenta transformadora social e unha actividade formadora, desempeñando un papel importante como promotor da integración social e do desenvolvemento económico en diferentes contextos.

Os referentes deportivos son axentes esenciais na transmisión destes valores e un estímulo para o fomento do deporte de base. A práctica deportiva é un factor clave de saúde e contribúe directamente no logro de moitos dos Obxectivos de Desenvolvemento Sostible para o 2030. A OMS dimensiona a importancia da práctica deportiva en todas as idades instando aos estados a promoción do movemento (Let's move).

Atendendo a esta perspectiva, dende a Concellería de Deportes, sendo conscientes da menor visibilidade e proxección que teñen os deportes que se desenvolven de xeito individual, e da maior dificultade que pode xurdir para adestrar e participar en distintas competicións, co obxectivo de promocionar e difundir o deporte e para impulsar a súa práctica convoca unhas axudas económicas que contribúan a sufragar parte dos gastos derivados da práctica deportiva.

As bases reguladoras da concesión destas axudas establécense de conformidade co disposto na Lei 38/2003, de 17 de novembro, xeral de subvencións, e na Lei 9/2007, de 13 de xuño, de subvencións de Galicia e coa Ordenanza Xeral de Subvencións do Concello de Soutomaior aprobada polo Pleno da Corporación Municipal en sesión celebrada o día 30/01/2024.

PRIMEIRA.- OBXECTO.

O obxecto da presente convocatoria é establecer os criterios que regularán a convocatoria do programa: Axudas para deportistas individuais do Concello de Soutomaior, 2025 para a tempada 2024-2025.

Terán a consideración de deportes de carácter individual aquelas prácticas ou disciplinas deportivas que non requiren de acompañamento para levarse a cabo, é dicir que poden realizarse en solitario.

Actuación subvencionable:

- A participación en competicións deportivas federadas oficiais¹ en

¹Entenderase por competición deportiva federada oficial, os campionatos, as ligas ou circuitos de diferentes competicións que se atopen baixo o amparo e organización dunha federación deportiva internacional, estatal ou autonómica e formen parte dos seus calendarios oficiais



modalidade individual ou parellas .

- A participación en competicións deportivas non oficiais ou en acontecementos deportivos competitivos non oficiais de relevancia estatal² e autonómica en modalidade individual ou parellas regulamentariamente establecidos.

Gastos subvencionables:

Material deportivo, equipamento persoal , gastos licenza, cotas de socios aprobadas polo clube , viaxes e aloxamento (na parte proporcional ao deportista no caso de facturas de viaxes e aloxamento da familia do menor) a competicións e adestramentos a partir de 30 km, outros gastos directamente relacionados coa actividade deportiva do solicitante a que estean xustificadas axeitadamente.

SEGUNDA.- DESTINATARIOS/AS.

Os/as deportistas que participen nas competicións referidas incluídas nos seus respectivos calendarios de carácter provincial, autonómico, estatal ou internacional e manteñan na data de presentación de solicitudes a súa actividade competitiva e federada.

Os/as aspirantes terán que cumprir os seguintes requisitos:

- Estar empadroados no Concello de Soutomaior antes do **01-01-2025**
- Estar federados no período para o que se solicita a axuda e na data de solicitude da mesma dentro da modalidade que practiquen.
- Participación mínima en 4 probas que formen parte do calendario oficial da federación correspondente ou participación en 2 eventos catalogados como actividade deportiva competitiva non oficial ou acontecementos deportivos competitivos non oficiais de relevancia estatal² ou autonómica.
- Estar ao corrente nas obrigas tributarias coa Facenda estatal e autonómica, así como estaren ao corrente das obrigas coa Seguridade Social e co Concello de Soutomaior.
- Os establecidos no artigo 13 da Lei xeral de subvencións e aplicables no presente caso.
- Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.

As axudas reguladas nas presentes bases concederanse en réxime de concorrência competitiva e baixo os principios de obxectividade, transparencia, igualdade, non discriminación, eficacia e eficiencia.

TERCEIRA.- CONTÍA E CRÉDITO ORZAMENTARIO.

² Entenderase por actividade deportiva competitiva non oficial ou acontecemento deportivo competitivo non oficial de relevancia estatal aqueles eventos, probas e demais acontecementos deportivos organizados ou recoñecidos polas federacións deportivas españolas, administracións públicas ou terceiros de acordo cos requisitos establecidos regulamentariamente.



A dotación orzamentaria total da presente convocatoria é de **8.500 €** con cargo á partida 341.480

O importe da axuda individual será o resultado da baremación de cada solicitude aplicando a seguinte fórmula :

$$\frac{8.500 \text{ €} \times \text{Puntuación individual}}{\text{Puntuación total dos solicitantes.}}$$

Puntuación total dos solicitantes.

A puntuación individual final de cada solicitante establecerase polos puntos obtidos na baremación, segundo a fórmula anterior, multiplicados polo coeficiente do deporte.

Coeficientes deporte: Deporte	Coef.
Automobilismo / Motorismo ou análogo	1,40
Ciclismo-Deportes Inercia ou análogo	1,30
Artes Marciais ou análogo	1,00
Tiro/ Tiro con arco ou análogo	1,10
Piragüismo-Remo ou análogo	1,30
Vela ou análogo	1,20
Esquí Náutico ou análogo	1,20
Atletismo	1,00
Ximnasia	1,00
Natación	1,00
Outros deportes	*

* Se hai deportes non especificados na lista, será competencia da comisión de valoración fixar o coeficiente a aplicar por asimilación con deportes semellantes.

O importe desta axuda non poderá superar o 10% do orzamento total das axudas.

CUARTA.- DOCUMENTACIÓN, FORMA E PRAZO DE PRESENTACIÓN DAS SOLICITUDES.

As solicitudes presentaranse no Rexistro Xeral do Concello ou ben a través dos procedementos previstos no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas.

Así mesmo, tamén poderán presentar a súa solicitude electronicamente a través de <http://soutomaior.sedelectronica.es/>.

Cando os deportistas sexan menores de idade as axudas terán que ser solicitadas polas nais, pais ou titores.



Data límite para a presentación de solicitudes: 15 días hábiles, contados a partir do día seguinte da publicación do extracto da convocatoria no BOPPO.

Estas bases publicaranse na páxina web do Concello de Soutomaior, no taboleiro de anuncios da sede electrónica, no Boletín Oficial da Provincia e na BDNS.

Cada deportista só poderá optar a unha única axuda, independentemente do número de modalidades deportivas que practique.

As solicitudes de subvención virán acompañadas da seguinte documentación:

- a) DNI do solicitante e do pai, nai ou titor e libro de familia no caso de menores de idade
- b) Autorización comprobación do empadramento. (anexo I)
- c) Declaración xurada das subvencións ou axudas solicitadas ou percibidas polo solicitante por parte doutras entidades públicas ou privadas (nacionais ou estranxeiras) para o financiamento da actividade para a que se solicita a axuda (Anexo III).
- d) Declaración xurada de non estar incurso en prohibición para obter a condición de beneficiario da subvención conforme ao disposto no art. 13 da Lei xeral de subvencións. (Anexo III).
- e) Declaración xurada de estar ao corrente das obrigas coa Axencia Tributaria autonómica, coa facenda galega e coa Seguridade Social. (Anexo III)
- f) Licenza federativa vixente. Ano 2025
- g) Memoria deportiva da tempada 2024 ou 2024-2025 (anexos IV) acompañada dos certificados oficiais emitidos pola Federación correspondente (Anexo V) ou calendario oficial coa acta da competición/resultados, así como calquera outra documentación acreditativa dos apartados recollidos na mesma que permita a verificación da participación do solicitante. Se a información facilitada non permite dita verificación non se valorará.

A presentación das solicitudes supón a aceptación incondicional das presentes bases e das condicións, requisitos e obrigas contidas nelas.

A concorrencia ao proceso de concesión das axudas implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto na Lei orgánica 3/2018 de 05 de decembro de protección de datos persoais e garantía dos dereitos persoais.

A finalidade da recollida e tratamento dos datos persoais será estritamente a tramitación do expediente correspondente.

QUINTA.- PROCEDEMENTO.

Recibidas as solicitudes de subvención, o exame e comprobación das mesmas levarase a cabo por unha Comisión de Valoración formada polos membros que se establezan nas Bases reguladoras respectivas. Obrigatoriamente un dos seus



membros actuará de Secretario da Comisión. As solicitudes de subvención deberán presentarse no modelo establecido.

Expirado o prazo de presentación de solicitudes a Comisión de Valoración poderá requirir ao interesado para que emende os defectos detectados na solicitude no prazo de 3 días naturais desde a notificación, na que se advertirá que de non producirse dita corrección teráselle por desistido da súa solicitude.

A comisión de valoración, constituída con tal fin, terá a seguinte composición:

Presidente: A Coordinadora Deportiva do Concello de Soutomaior ou persoa en quen delegue

Secretaria: Axente de Emprego e Desenvolvemento Local ou persoa en quen delegue

Vogais:

- A técnica de Xuventude do Concello ou persoa en quen delegue
- 2 administrativas/as do Concello ou persoas en quen deleguen

Examinadas as solicitudes presentadas, e concluído o prazo de corrección de erros no seu caso, a Comisión de Valoración emitirá un informe no que se inclúa, como mínimo, as solicitudes desestimadas e o motivo da desestimación, as solicitudes estimadas e a contía da subvención para conceder, e o cumprimento dos requisitos previstos nas presentes bases.

O órgano municipal competente para a concesión das subvencións é a Xunta de Goberno local, que analizará a proposta de resolución, en base ao informe presentado pola Comisión de Valoración, ante o órgano concedente.

A resolución ou acordo fará constar de forma expresa:

- a) A relación de solicitantes.
- b) Os beneficiarios das subvencións e contías das mesmas.
- c) Os criterios de valoración.
- d) Mención expresa á desestimación do resto de solicitudes.

O prazo máximo para resolver e notificar o procedemento será de seis meses contados a partir do día seguinte ao de finalización do prazo para presentación de solicitudes. Os interesados poderán entender desestimadas as solicitudes, por silencio administrativo, se transcorrido devandito prazo non se ditei e notificado resolución expresa.

A notificación da resolución realizarase de acordo co previsto no artigo 40 da Lei 39/2015, de 1 de outubro. Contra os actos de resolución expresa poderán interpoñerse potestativamente Recurso de Reposición ante o mesmo órgano que ditou o acto ou ben directamente Recurso Contencioso Administrativo.

Os/as beneficiarios/as deberán dar a adecuada publicidade do carácter público do financiamento recibido, facendo naqueles elementos en que sexa posible que se recibiu unha colaboración por parte do Concello de Soutomaior.



SEXTA.- CRITERIOS DE VALORACIÓN.

A documentación a valorar deberá cinxirse exclusivamente a unha única modalidade deportiva para a que se solicita a axuda e na que o/a deportista teña a correspondente ficha federativa.

De acordo co punto primeiro das presentes bases, os criterios de baremación serán os seguintes:

a) Participación deportiva: máx. 11 p

- Participación no 70% das probas que compoñen circuítos, ligas,... ou en polo menos 6 probas ó longo da tempada.
- Participación en polo menos dous Campionatos: Provincial/ Galego/España.
- Participación en 3 eventos catalogados como actividade deportiva competitiva non oficial ou acontecementos deportivos competitivos non oficiais de relevancia estatal² ou autonómica.

Acreditación: Calendario correspondente acompañado da acta de resultados da competición con identificación da competición, lugar e data da mesma ou calquera outro documento para a verificación destes datos. Tamén se pode acreditar coa certificación federativa asinada e selada polo Secretario de federación (ANEXO V)

b) Desprazamentos Máximo 11 puntos.

A competicións oficiais ou a eventos acreditados.

Desprazamento	Puntos
Desprazamento provincial	3
Desprazamento autonómico	5
Desprazamento Península Ibérica	7
Desprazamento insular (Illas Canarias ou Baleares)	9
Desprazamento Internacional fora da península ibérica	11

Valorarase unicamente un por ámbito de desprazamento.

c) Participación en deportes que supoñan unha ruptura de barreiras culturais, segundo o anuario de estadísticas deportivas 2023 (Deporte federado) (% Inferior a 35%): 1 puntos.

d) Diversidade funcional e/ou trastornos de conduta: 3 puntos

Para a acreditación da condición de diversidade psíquica e/ou funcional. Aportarase algún dos seguintes documentos para a xustificación dos casos:

- Certificado de discapacidade outorgado por organismo oficial.
- Certificado dun equipo de orientación educativa e/ou psicopedagóxico público.



- Informe médico.

e) Repercusión social. Máximo 3 puntos.

Por traxectoria en anos do deportista. Ata 3 puntos segundo os seguintes criterios:

- ter sido beneficiario desta subvención en 3 convocatorias durante os últimos 5 anos: 1 p.
- ter sido beneficiario desta subvención en 4 convocatorias durante os últimos 5 anos: 2 p.
- ter sido beneficiario desta subvención en 5 convocatorias durante os últimos 5 anos 3 p.

Acreditación: de oficio polo Concello

f.-Condición do deportista. Máximo 6 puntos.

A valoración deste criterio realizarase segundo os seguintes apartados

- Condición de deportista de alto nivel recoñecidos na última listaxe publicada antes de estas bases polo CSD ou pola Xunta de Galicia (DAN/DGAN/e de Rendemento Deportivo de Base): 6 puntos.
- Convocado por selección nacional en concentracións permanentes ou concentracións destinadas a preparación para participación en probas ou campionatos internacionais: 4 puntos.
- Convocado por seleccións autonómicas en concentracións permanentes en Centros de tecnificación ou de alto rendemento ou concentracións destinadas a preparación para participar en probas ou campionatos estatais: 2 puntos.

Acreditación: BOE, DOG ou documento oficial emitido pola federación outorgadora de tal condición.

SÉTIMA.- RESOLUCIÓN, PUBLICIDADE E RECURSOS

A resolución porá fin á vía administrativa e contra ela os/as interesados poderán interpoñer recurso de reposición ante o mesmo órgano no prazo dun mes desde a notificación, ou ben alternativamente recurso contencioso-administrativo no prazo de dous meses, contados desde o día seguinte á referida publicación.

A resolución do procedemento farase pública, de acordo coa Ordenanza Xeral de Subvencións do Concello de Soutomaior .

OITAVA.- PAGAMENTO DAS AXUDAS

O pagamento das axudas farase de acordo coa Ordenanza Xeral de Subvencións do Concello de Soutomaior, nun único pagamento previa presentación dos gastos xustificadas .



A xustificación das axudas concedidas realizarase mediante a presentación dos seguintes documentos:

- Facturas ou documentos análogos orixinais polo importe subvencionado **emitidas no exercicio 2025**. As facturas deben corresponderse con gastos relacionados coa actividade obxecto de subvención e deberán emitirse a nome do beneficiario e cumprir cos requisitos establecidos no Real Decreto 1619/2012 de 30 de novembro, polo que se regulan as obrigacións de facturación. Deberán conter como mínimo:
 - Nome, razón social e NIF ou CIF de quen emite a factura.
 - Desagregación do IVE ou imposto correspondente; non caso de exención, deberá facerse constar expresamente na factura.
 - Nome, e apelidos e NIF do beneficiario da subvención.
 - Descrición do servizo ou subministro prestado.
 - Número de factura, data de emisión e denominación de “factura”.
- Xustificante bancario do pago correspondente as facturas achegadas. Non se admitirán outro tipo de pago que non sexa acreditación bancaria.
- Acreditación da publicidade do financiamento público obtido mediante a inclusión da imaxe institucional da entidade concedente así como lendas relativas ao financiamento público en medios comunicación, redes sociais e na indumentaria/equipamento deportivo empregado para competir ou adestrar.
- Relación das subvencións obtidas doutras Administracións ou Entidades Públicas ou privadas para ou mesmo obxecto; en caso negativo, deberá deixarse constancia dese feito mediante a correspondente declaración responsable (Anexo III).
- Xustificación de estar ao corrente nos pagos coa Seguridade Social, Consellería de Facenda da Xunta, e Axencia Estatal da Administración Tributaria (Anexo III).
- Calquera outro que sexa solicitado polo concello.

O importe dos gastos xustificandos deberá acadar, como mínimo, a contía da subvención concedida.

Non caso de que a documentación xustificativa fose incorrecta ou insuficiente, darase un prazo de 10 días para a súa corrección.

Prazo de xustificación: **ata o 15 de novembro** do ano en curso.

As axudas estarán suxeitas ás retencións fiscais obrigatorias

NOVENA.- OBRIGAS DOS BENEFICIARIOS/AS:

De acordo co establecido nos artigos 14 LXS e 11 LSG serán obriga dos beneficiarios:

1. Facilitar a información que lle sexa requirida polo Concello de Soutomaior e polo Consello de Contas de Galicia, ao obxecto de supervisar a adecuada aplicación da subvención e someténdose á responsabilidade e ao réxime sancionador establecido na Lei Xeral de Subvencións, e no seu caso, ao disposto no vixente Código Penal.



2. Comunicar ao Concello a obtención de calquera outra subvención ou axuda de calquera entidade pública ou privada que teña por finalidade as actividades subvencionadas.
3. Dar publicidade da axuda concedida. Estarán obrigados a sinalar a condición de beneficiario das axudas percibidas. Isto poderá realizarse a través de medios comunicación, redes sociais e na indumentaria/equipamento deportivo empregado para competir ou adestrar. Terá que levar o escudo ou logo do Concello de Soutomaior actualizado.

DÉCIMA.- CONTROL E REVOGACIÓN DA SUBVENCIÓN.

O Concello de Soutomaior resérvase o dereito a orientar tecnicamente as actividades, a comprobar os datos económicos así como a supervisar a efectiva realización das mesmas, e dar a coñecer publicamente as actividades subvencionadas.

O Concello de Soutomaior poderá revogar nos seguintes casos:

- a) Declaración xudicial ou administrativa de nulidade ou anulación do procedemento de concesión.
- b) Obtención da subvención falseando as condicións requiridas para iso ou ocultando aquelas que o impedisen.
- c) Incumprimento total ou parcial do obxectivo, da actividade, do proxecto ou a non adopción do comportamento que fundamenta a concesión da subvención.
- d) Incumprimento da obrigaón de xustificación ou a xustificación insuficiente.
- e) Incumprimento da obrigaón de difundir o carácter municipal da achega recibida.
- f) Resistencia, escusa, obstrución ou negativa ás actuacións de comprobación e control financeiro descritas na presente ordenanza.
- g) O cambio do destino fixado na orde de concesión para o caso de bens inmoables inventariables antes do transcurso dos cinco primeiros anos desde o momento da concesión.

DISPOSICIÓN FINAL

En todo o non previsto nestas bases, aplicarase o disposto nas Bases de execución do orzamento xeral do concello de Soutomaior para o ano 2025, e nas normas legais e regulamentarias de aplicación, Lei 38/2003, do 17 de novembro, xeral de subvencións e no RD 887/2006 do 21 de xullo polo que se aproba o regulamento da Lei xeral de subvencións Lei 9/2007 de subvencións de Galicia, a Ordenanza Xeral de Subvencións do Concello de Soutomaior aprobada polo Pleno da Corporación Municipal en sesión celebrada o día 30/01/2024 e demais normativa de réxime local aplicable.

DOCUMENTO ASINADO ELECTRONICAMENTE





ANEXOS

ANEXO I :SOLICITUDE AXUDA	
1. DATOS DA PERSOA SOLICITANTE OU REPRESENTANTE	
Nome do/a solicitante _____	
NIF _____	
Nome e apelidos do representante _____ NIF/DNI/NIE _____	
Enderezo _____ C.P. _____ Localidade _____ Provincia _____	
Enderezo notificación _____ -	
Tfno _____ Ttf.móbil _____ Correo electrónico _____	
2. SOLICITUDE	
Obxecto da subvención: _____	
3. DOCUMENTACIÓN NECESARIA	
• DNI do solicitante e do pai,nai ou titor e libro de familia no caso de menores de idade • licenza federativa do ano en curso • Declaración xurada das subvencións ou axudas solicitadas ou percibidas polo solicitante por parte doutras entidades públicas ou privadas (nacionais ou estranxeiras) para o financiamento da actividade para a que se solicita a axuda (Anexo III). • Declaración xurada de non estar incurso en prohibición para obter a condición de beneficiario da subvención conforme ao disposto no art. 13 da Lei xeral de subvencións. (Anexo III). • Declaración xurada de estar ao corrente das obrigas coa Axencia Tributaria autonómica, coa facenda galega e coa Seguridade Social. (Anexo III) • Memoria deportiva da tempada 2024 ou 2024-2025 (Anexo IV) acompañada dos certificados oficiais emitidos pola Federación correspondente (Anexo V) ou calendario e acta da competición/resultados, así como calquera outra documentación acreditativa dos apartados recollidos na mesma.	

COMPROBACIÓN DE DATOS.

CONSENTIMENTO PARA A COMPROBACIÓN DE DATOS A persoa interesada autoriza a consulta a outras administracións públicas dos seguintes datos.	AUTORIZO A CONSULTA
--	---------------------



Padrón municipal de habitantes	SÍ ____ NO ____
--------------------------------	-----------------

En cumprimento do artigo 5 da Lei Orgánica de Protección de Datos, que regula o dereito de información na recollida de datos, infórmase aos interesados que os datos persoais solicitados neste formulario son incorporados e tratados nun ficheiro automatizado de nome "Expedientes", cuxa finalidade é a xestión dos procedementos administrativos do Concello de Soutomaior.

En Soutomaior a ____ de _____ de 20__

Sinatura.

SR. ALCALDE-PRESIDENTE DO CONCELLO DE SOUTOMAIOR

A falsificación, ocultación ou inexactitude dos datos declarados poderá dar lugar, no seu caso ás correspondentes sacións administrativas ou de calquera índole que procedan.

	ANEXO III DECLARACIÓN XURADA	
--	---	--



1. DATOS DA PERSOA SOLICITANTE OU REPRESENTANTE

Nome do/a solicitante _____

NIF _____

Nome e apelidos do representante _____ NIF/DNI/NIE _____

Enderezo _____ C.P. _____ Localidade _____ Provincia _____

Enderezo notificación _____ -

Tfno _____ Ttf.móbil _____ Correo electrónico _____

DECLARO

- Que SI _____ NON _____ se lle concederon outras axudas coa mesma finalidade.

-Relación axudas solicitadas

Organismos públicos e entidades privadas _____ importe _____ -

- Relación de axudas concedidas

Organismos públicos e entidades privadas _____ importe _____

- Non esta incurso en causas de incompatibilidade ou incapacidade para percibir axudas ou subvencións públicas e coñezo e acepto as bases da convocatoria.
- Está ao corrente coas súas obrigas tributarias e coa Seguridade Social e non ter débedas de ningún tipo co Concello de Soutomaior.

Soutomaior, a _____ de _____ de 2025

(Sinatura)

ANEXO IV MEMORIA



1. DATOS DA PERSOA SOLICITANTE OU REPRESENTANTE

Nome do/a solicitante _____

NIF _____

Nome e apelidos do representante _____ NIF/DNI/NIE _____

Enderezo _____ C.P. _____ Localidade _____ Provincia _____

Enderezo notificación _____ -

Tfno _____ Ttf.móbil _____ Correo electrónico _____

Deporte: _____

a) Participación deportiva

Nome da proba	Lugar	Data

b) Desprazamentos.

Para competición	Datos da competición: data, lugar, denominación da competición.
Provincial	
Autonómico	
Península Ibérica	
Illas Canarias ou Baleares	
Internacional fora da Península Ibérica	



c) Diversidade funcional e/ou trastornos de conduta

SÍ _____ NON _____

d) Por repercusión social.

Ter sido beneficiario desta subvención durante os últimos 5 anos:	
En 3 convocatorias.	
En 4 convocatorias.	
En 5 convocatorias.	

e).-Condición do deportista

Condición.	SI/NON
Condición de deportista de alto nivel (DAN/DGAN)	
Convocatoria a selección nacional	
Convocatoria a selección autonómica	

En _____ a _____ de _____ de 2025

Asdo: _____

No caso de menores de idade, asina pai/nai/Titor

	ANEXO V CERTIFICADO FEDERATIVO	
--	---	--

Federación deportiva: _____

CERTIFICA QUE:



Nome do interesado _____ con DNI núm.

Obtivo nas competicións pertencentes ó calendario oficial 2024 (individuais/dobres), os resultados que a continuación se mencionan:

Denominación da proba, lugar e data onde se realiza.	Clasificación

En _____ a _____ de _____ de 2025.

Vº e Prace

Presidente da Federación.

SINATURA SECRETARIO/A

DILIXENCIA: Para facer constar que as presentes bases que ocupan 16 páxinas, e que conteñen 10 cláusulas, disposición final e 4 anexos foron aprobadas por Xunta de Goberno Local de data 29 de xullo de 2025.

Soutomaior, na data sinalada á marxe
A Secretaria-Interventora
María Jesús Rodríguez Freire



